

Distinguent recti tractus, orbisque recurvi.
 Ipsa Dea e medio prodibit fulgida templo
 Ad limen: juvenum supplex densissima turba
 Stabit Achemenidem circum, ac deducet ad ædem
 Ille avidos; numero sed me secernet ab omni
 Apprehensum dextra, Divæque in limine sistet.

Parte alia Phœbusque aderit, totusque canenti
 Aonidum chorus; ille oculos ad nubila tollet,
 Atque aciem extentas volucrum defiget in alas.
 Squammigerum interea placido pecus æquore ludet,
 Quadrupedes curvo, bipedesque in litore stabunt
 Assimiles gressum densantibus: atque rubenti
 Ad latus undantes effingam sanguine venas,
 Carminis argumentum ingens, quo Pindus, & omne
 Arcadicum insonuit nemus olim, & Pegasis unda.

Nec deerit sacros cœtus Astræa regenti
 Adstans, nec Divus Amor, Pietasque; Fidesque.
 Sed quid ego longū frustra moror? Heu brevis hora
 Effugit. I, Lycida: conceptum mente laborem
 Da facili complere manu; atque inducere fucos.
 Inductis demum fucis, noctesque, diesque
 Tecum adero, alternoque horas sermone trahemus.

*Stanislai I. Polonia Regis Lotharingia,
 ac Barri Ducis inter Arcades Accl.
 Euthymii Aliphirai, dum ejus
 effigies in publico Arcadum
 cœtu erigeretur,*

ΑΠΟΘΕΟΣΙΣ.

Quis novus Arcadicum fulgor nemus, altaque Pindi
 Involvit capita, & sacrum penetravit in antrum?
 Personat insuetum, ac læto se murmure fundit
 Pegæus fons, & flores, herbasque virentes

Im-